

Çuking mons altissimus, atque horrendum præceps prope Siyang.

*Hiung-
hoang,
minérale.*

Est & Çupe mons ad Fung civitatem, in quo ad duas & septuaginta numerantur cavernæ. ibidem est Nanki mons, in quo ingens lacus. Inde haud ita procul est Vutu mons, è quo minerale illud effoditur, quod Hiunghoang Sinæ dicunt: Illud contra venena omnia, malignas febres, caniculariumque dierum noxios æstus tamquam præsens remedium ac præservativum æstimant, sumuntque vino maceratum; coloris est rubicantis ac flavi, punctis nigellis intermixtis; lapillum cretaceum, aut terram duriorum refert, coloreque subinde non ita multum differt à minio, nisi quod ad flavedinem magis nonnihil accedat, & ad pingendum minime sit aptum: frustulum huius medicamenti adhuc penes me habeo, sed video apud Europæos medicos minime esse notum, neque ullam apud auctores nostros illius mentionem invenio.

Flumina.

Han fluvius tum orientalis, tum occidentalis principem hic locum obtinet; ille ex Mincheu civitatis montibus originem ducit, hic supra Fum civitatem scaturit, & utrique magna aquarum mole, perque ingens terrarum spatium fluunt, navium ubique patientes; reliqua, quæ minoris notæ ac nominis sunt, dabit mappa.

Quarta Urbs

P I N G L E A N G.

Civitates.

Montibus aspectu jucundis, non horridis, fœcundisque aquis amœnum territorium habet Pingleang urbs omnium fere rerum ubertate abundans. in eo decem sunt civitates, 1 Pingleang, 2 Çungsin, 3 Hoating, 4 Chinyven, 5 Kuyven, 6 King, 7 Lingtai, 8 Choangleang, 9 Lungte, 10 Cingning.

Antiqua nomina.

In hac urbe tria sunt heroibus dicata fana, reliquis splendore ac magnitudine præstantia: palatiumque insigne regium Taimingæ familiæ, nam in hac urbe unus ex regulis iis habitare solitus. Yvus Imperator hanc regionem Yung provinciæ adscripsit, voluitque subesse stellis Cing, & Quei: sub Hana familia Ganti, sub Sunga vero Kingyven dicta est, hoc est King fluvii origo, & reapse ad ipsam urbem emicat illius fons: ab aliis semper Pingleang dicta fuit urbs, ob æris temperiem molliorem.

Montes insigniores.

Ad Chingyven mons Jo est, in quo lapilli

reperiuntur pellucidi, quique adamantes referunt; & prope Hoating vallis est triginta stadiorum longitudine, adeo profunda atque angusta, ut nonnisi tenue & obscurum lumen admittat, est tamen per illam regia strata lapide quadrato.

King fluvius fluit ad urbis occasum, inde in ortum deflexus partem occidentalem King civitatis pertransit, in Austrum inde serpens, ad ortum metropolitanæ urbis, in fluvium Guei se exonerat.

Quinta Urbs

C V N G C H A N G.

AD Guei amnis Australem ripam sita est, recta fere ad partem superioris urbis occidentalem, fuitque olim ab Yvo, eodem, quo superior, loco posita: populo frequens est emporium, & opportunus ad Sinici Imperii custodiam locus; quippe asperitate montium, itinerumque difficultate hostium artes facile eludit, hinc semper magni æstimata est à Sinicis Imperatoribus: quod nobiliorem reddit, est antiquissimum ab hominum memoria sepulchrum, Fohii nimirum, primi apud Sinas Imperatoris, nam illum ibidem apud Cin civitatem natum produnt. magna hic etiam est Muschi copia. Numerantur sub ea civitates septendecim, 1 Cungchang, 2 Ganting, 3 Hocining, 4 Tungguei, 5 Chang, 6 Ningyven, 7 Fokiang, 8 Siho, 9 Ching, 10 Cin, 11 Cingan, 12 Cingxui, 13 Li, 14 Kiai, 15 Ven, 16 Hoci, 17 Leangtang.

Situs.

Civitates.

Effoditur hic passim minerale illud Hiunghoang, de quo supra; sunt & lapilli quidam carulei coloris vergentis in nigredinem, albis venuli distincti: hi apud magnates magno in pretio sunt, in calcem namque redactos solutosque in tenuissimum pollinem, ac medicamenti loco sumptos, ad vitam producendam plurimum prodesse vulgo credunt: tria fana habet nobiliora, eorum unum Fohii matri dicatum, reliqua magnitudine ac splendore superat.

Bellorum tempore sub finem Chevæ familiæ, ad Kiangiung populum hæc pertinuit regio: Hana familia, extincto dynasta Lungsi à Cina familia isthic constituto, Thienxui vocavit: Tanga familia Guei Cheu, Sunga Cungcheu, Taiminga Cungchang dixit.

Prope Hocicin ingens ac præaltus mons

N

Montes insigniores est res.